

Jesu Adjutante.

SPECIMEN ACADEMICUM

De

EXPERIENTIA PHYSICA RITE PRUDENTERQUE FORMANDA,

QUOD,

*Consensu Ampliss. Ordin. Philosoph. in Reg. ad Auram
Academia,*

PRÆSIDE

D_N. PETRO KALM,

Oeconom. PROFESS. Reg. & Ord. nec non

Reg. Acad. Scient. Svec. MEMBRO,

Publice examinandum fisiit

ISAACUS ALGEEN,

BOREA FINLANDUS,

In audit. superiori, d. XVII. Decembr. MDCCCLV.

H. A. M. S.

ABOÆ, Impresit Direct. & Typogr. Reg. Magn. Duc.
Finland. JACOB MERCKELL,

Generoso & Nobilissimo DOMINO,

**DN. ANDREÆ
NORDENCRANTS,**

*In Collegio quod Commerciis invigilat, Con-
filiario gravissimo,*

HUDR PATRONO BENIGNISSIMO.

Dum opusculum hoc, leve in se omnino omnique
uitore, præterquam quem argumenti amplitu-
do pariter atque utilitas ipsi addit, destitutum,
Nobilissimo Tuo Nomi consecro; submisse rogo,
digneris basce studiorum meorum primitias benigno re-
spicere vultu. Favor Tuus haud vulgaris in literas
earumque cultores, nec non singularis ille, quo, Vir No-
bilissime, Parentem meum amplecti voluisti, quum offici-
nam ferrariam heic exstructam inviseres, spem mihi fa-
ciunt certissimam, fore, ut hoc in venerabundi animi de-
clarationem, ex transmarinis hisce locis transmissum,
chartaceum munus benigne excipias. Pro perenni Tuæ
Nobilissimæque Familiæ flore calidissima vota fun-
dit

NOBILISSIMI NOMINIS TUI

cliens humillimus,

ISAACUS ALGEEN.

VIRO Maxime Reverendo atq; Celeberrimo,
**D_{N.} M_{AG.} JACOBO
GADOLIN,**

Scient. Nat. Professori Regio & Ordinario, Ecclesiæ Fennicæ Aboënsis Pastorî gravissimo, utriusque Consistorii Adseffori adecuratissimo, nec non

R. Scient. Acad. Holm. MEMBRO,

MÆCENATI OPTIMO.

Inter spem metumque, Vir Maxime Reverende atque Amplissime, dubius ancepsque hæsi, an auderem Celeberrimum Nomen Tuum juvenili huic exercitio præfigere; verum quum lata mente revolvo, quod argumentum hoc non ita pridem ipse mibi elaborandum proponere fueris dignatus, licet ad graviores curas vocatus operæ præesse non potueris, rem Tibi hand ingratam fore confido, si hoc tirocinium Tibi pie consecravero. Humillimus itaque ore & obsecro velis opusculum hoc levidense benigno adspicere vultu, meque eodem favore amplecti, quem nullo non tempore sum expertus. De cætero voveo, jubeat Summum Numen Te, Vir Maxime Reverende atque Amplissime, per longam aurorum seriem salvum & sospitem esse. Sic de Patrono & Promotore optimo sibi gratulari licebit

NOMINIS TUI CELEBERRIMI

humillimo cultori,
ISAACO ALGEEN.

VIRO Plurimum Reverendo atq; Praclarissimo,
**D_N. ANDREÆ
ALGEEN,**
Pastori in Pyhåma meritissimo,
PARENTI OPTIMO.

Quoties cogitationem subeunt beneficia illa maxima, quæ in me contulisti, atque indies confers, Pater amantissime, toties tecum reputo, quomodo gratiam pro illis referam; verum intelligo nihil penes me esse, quod rependam, præter sinceram animi pietatem, quam remunerationis loco excipias, etiam atque etiam rogo & obtestor. In qualemque ejus testimonium has ingenii primitias, quæ curæ Tuæ Paternæ post Deum debentur, offero, Supremumque Numen ex animo precor, dignetur Te, Parens indulgentissime, in seram ætatem servare incolumem, & omnigena felicitate beare; ita vovet

CARISSIMI PARENTIS

filius obedientissimus,
ISAACUS ALGEEN.



§. I.



Uum nobis mortalibus ob circumscriptos intellectus limites, tantum per sensus externos cognoscere liceat corpora, (nam anima nostra, sensibus externis remotis, quamvis se suasque proprietates exquisite perpendat, nullum tamen producere valet conceptum de corporibus, antequam corpora in organa nostra sensoria agentia, substantiae suae ideam ei communicant,) necesse est omnes illis intendere sensus, ut omnia ea adquiramus, quae eorum ope cognosci possunt. Hæc vero cognitio, quæ nobis de corporibus per sensus innotescit, dicitur experientia physica, quæ, quatenus vera, indubitatum est veritatis principium. Quamquam vero experientia indubitatum est veritatis principium, haud pauci tamen in eo errant, quod multa pro certis experienciis habeant, eaque fundamenti lo-

A

co

co ponant, quorum certitudo vel est nulla, vel dubia & nondum fatis constans; quare hocce meo opusculo ostendere conans, quid in Physicis ad formandam requiritur veram & minime falacem experientiam, ea, qua decet humanitate rogo, velit Lector benevolo perlustrare oculo, quæ ruditis mea minerva de nobili hacce materia, in sequentibus pagellis, in medium sit prolatura.

§. II.

Sed quum *experientia Physica*, quæ est cognitio *acquisita* attendendo ad actionum corporearum perceptiones, obtineri nequeat, nisi actiones corporeæ producantur, quæ in organa nostra sensoria agunt; igitur ut rite observetur, quomodo hæ fiant, utque omnia eo clariora evadant, necesse eit, antequam nosmet ad ipsam experientiæ formationem accingimus, ut nonnulla de divisione experientiæ, variisque requisitis illius, qui hanc rite formare cupit, moneamus. Actiones illæ corporeæ producuntur vel solo concursu naturæ, vel opera hominis simul; illæ *phænomena*; hæ *experimenta* dicuntur physicis. Experientia phænomenorum vocatur etiam *vulgaris*, experientorum vero *artificialis* seu *erudita* experientia dicitur. Aliter experientia etiam dispescitur tripliciter: nimirum in *Constantem*, *Contingentem* & *Falsam*, idque ob circumstantias phænomenorum, quæ in formatione experientiæ observandæ veniunt.

Hæ

Hæ circumstantiæ, quæ phænomeno junguntur, insunt ei aut necessario, id est, quibus absentibus phænomenon existere nequit, vel contingenter, id est, licet hæ deficiant, tamen salvum manet phænomenon. Experientia autem constans cognitionem involvit phænomeni, cui conexæ sunt omnes circumstantiæ, necessario conjunctæ. Contingens vero est cognitio phænomeni, cui contingenter circumstantiæ sunt conjunctæ. Falsa vero est disconvenientia cogitationis nostræ cum phænomeno.

§. III.

JAm, ut ea absolvantur, quæ §. proxime præcedenti a nobis promissa sunt, ad illa exponna pergamus, quæ in eo requiruntur, qui rite & feliciter experientiam formare vult, quæque egregium Naturæ observatorem constituant. Experientiam igitur rite formaturus non hebeti, sed felici erit ingenio; nam natura multis & prope infinitis modis se abscondens, vix a sagacissimis, minime vero a plumbeis, detegi potest: organa etiam sensoria illius ita comparata sint, ut nullo vitio aut morbo laborent; e. g. febricitans de sapore, cœcus de coloribus minus apte judicaret.

Ne illotis, uti ajunt, manibus, rem aggrediat, variarum scientiarum haud levem notitiam Physicus noster habebit; præcipue vero sequentium minime rudis erit:

Historiæ Naturalis, quoad tria ejus regna.¹ Circā corpora enim in tribus naturæ regnis obvia, eorumque proprietates Physicus imprimis versatur. Historiæ autem naturalis ignarum innumera fugiunt ab aliis detecta; vix etiam & ne vix quidem observationes suas, si quas instituat, aliis intelligibili nomine communicare valet.

Mathej eos tanta in Physicis est necessitas, ut sine ea nulli in iis fiant progressus, nulla habeatur certitudo.

Absque ope hujus falsissima sæpius pro experientia indubitata obtruduntur, quod innumeris exemplis probari posset, si in re omnibus nota prolixi esse voluerimus.

Astronomorum scripta, quæ ad magnam partem observationes summa cum cura & omni adhibita circumspetione factas, continent, operi huic etiam magnum lumen fœnerant: hæc sæpius lecta & perlecta Physicum, qua ratione observationes rite instituendæ sunt, instruunt.

Chemia in corporibus solvendis eorumque proprietatibus indagandis maximam habet utilitatem. Rudem scientiæ hujus plurimæ proprietates corporum latent & latebunt.

Scientiam *Physices* perscrutatori rerum naturalium maxime necessariam esse per se & ipso nomine patet. Ex ea, & quæ ab aliis jam detecta sunt, haurit, & viam atque methodum, qua Physici sagacissimi in mysteriis naturæ indagandis usi sunt, discit. Haud insignes progressus
in

in scientiis facit, qui, inventa aliorum negligens, omnia ipse eruere conatur. Aliorum opera scalarum vice sint ad majores progressiones facientes, novasque & incognitas veritates invenientes; Experientiam igitur in Physicis rite & feliciter formaturus, Physicorum libros sedula manu evolvet ac teret, in primis vero scripta recentiorum egregie elaborata, qui Physicam experientalem enodarunt, diligentissimus saepius perlustrabit; nam his probe perspectis & methodum a maximis scientiae hujus luminibus usitatam, & qua circumspectione tentamina sua perfecerunt, videt.

Aptior adhuc ad experientiam formandam redderetur, si ansam haberet inspiciendi modum, quo Experimenta in variis Physicæ partibus a viris in arte versatissimis instituantur. Hæc omnia ingenium Physici acuunt, amplamque & fœcundam materiam illi præbent, vestigia aliorum premendo, æque felicia tentamina instituendi: & quo plura in scientiis his ipsi perspecta sunt, eo penitus in adyta naturæ penetrare vallet. Caveat tamen, ne omnia illa, quæ in libris Physicorum continentur, pro vera & indubitata experientia habeat; multi enim illorum etiam a transnitere veritatis aberrarunt; hinc plurima, si non omnia, si facultas sit, ulteriori & rigidiori examini ab ipso subjicienda sunt.

Variarum etiam, si non omnium, partium *Oeconomia* atque Medicinæ minime hospes erit missus

Physicus; nam non tam curiositati suæ, quam utilitati generis humani studet.

Ex Logica, Geographia, Itinerariis atque aetis Societatum & Academiarum Scientiarum multum lucis ipsi etiam adfunditur; quare studium harum haud quaquam omittendum est.

Multa hic in Physicum futurum, sive in eum, qui experientiam rite formare cupit, cumulantur scientiæ hauriendæ, dicis, quarum singularum tamen ea est indoces, ut vel unicâ atque sola totum fere virum postulet, omnemque illius industriam, si probe & vere discenda sit: sed respondemus, laborem improbum & docilem solertiam omnia, saltem multa vincere. Si etiam Physicus perfectam notitiam harum omnium attingere nequeat; plurimarum ad quam minimum sibi perspectam reddat, præcipue vero earum, quæ maximum nexum cum iis corporibus habent, quorum proprietates investigandas & examinandas suscipit.

Ast, cum ars longa, vita brevis sit, nec unus hominis est proprietates corporum omnium perscrutari, optandum effet, vellent viri in arte experimentandi exercitatissimi, non omnia, sed nonnulla saltem corpora penitus atque singularē cum industria & attentione rimanda & examinanda adgredi, longe plura & certiora tum in Physicis detegerentur, quam cum ad omnia alii artis hujus se diffundunt.

Varia alia insuper dantur requisita experientiam

tiam formaturi, quæ brevitatis cauſſa vel nomi-
nasse ſufficiat, qualia funt:

Inclinatio & aptitudo naturalis ad studium
Physicum experientiamque rite formandam; invi-
ta enim Minerva minus feliciter laboratur: nec
ea patientia omnes gaudent, quæ in experimen-
tis rite & cum attentione instituendis, habenda
erit.

Facultates ſufficientes ad experimenta insti-
tuenda etiam huc pertinent; nam varia tentami-
na instrumenta magni pretii ſumtusque haud exi-
guos in ipſo opere experimentationis requirunt;
quare plurima in Physica experimentali haudqua-
quam viri pauperis & fortunæ tenuis funt.

Omnia ſine præconceptis opinionibus examinen-
tur; etenim multi in experientiis & experimentis
ea ſolum observant, quæ præconceptam opinionem
illorum corroborare videntur, neglectis omnibus,
quæ vel eam deſtruunt, vel etiam dubiam reddunt,
vel quæ ad rem non pertinere ſibi perſuadent.
In omni autem experientia & experimento veri-
tas ſola, ſepoſito præjudicio omni, folliote inda-
ganda erit.

Exercitatio & habitus experimenta experien-
tiamque instituendi etiam huc ſpectant: habitus
hic, ut in aliis crebris actionibus adquiritur: quo
diligentius & ſæpius exercitio huic operam des,
eo aptior ad obſervationes quascunque & experi-
menta adcuratissima phænomenorumque fœcunda
inſtituendum reddaris: Circa quævis corpora ac
ten-

tentamina in hoc labore exercitatus plurima observat atque detegit, quæ attentionem minus in his versati fæpissime fugiunt. Hæc quæ breviter adduximus, præcipua sunt, quæ cupidum Physicæ ad experientiam rite formandam aptiorem redundunt.

§. IV.

Experientiam in §. II. diximus dividi in vulgaris atque artificialem; jam nobis exponendum est, quid circa formationem vulgaris sic diæ experientiæ observandum est: Simplex hæc quidem ac sæpe rudis est, sed si rite fiat, fundamentum jacit maximæ partis cognitionis Physicæ: in ea igitur recte formanda sequentia notentur.

In corpore quodam contemplando, cuius experientiam formare volumus, ad tot sensus illud redigatur, ad quot redigi potest: e. g. oculi considerant ejus magnitudinem, figuram, colorem, an pellucidum sit, vel non, an particulis homogeneis vel heterogeneis constet, &c. nasus, si quem & qualem spiret odorem; auris, an percussum sonum quendam edat, exponit: tactus, an corpus illud durum, molle, grave, leve, calidum, frigidum, siccum, humidum &c. tradit: lingua gustum præbet.

Ut autem singula hæc rite peragantur, justa adsit distantia organorum sensoriorum & objectorum.

Locus natalis etiam addendus est.

Non raptim hæc sensibus externis exponenda,
sed

sed diu, sufficienter & multa cum attentione, ut singula in objecto occurrentia probe animadverte queas. Melius hoc succedit, si fiat in loco tranquillo & a strepitu remoto, ubi attentio ab aliis rebus non turbatur.

Nec sufficit semel solum singula hæc obser-
vasse, sed pluries; multa enim prima vice atten-
tioni se subducunt, quæ iterata ac diligentि con-
templatione in conspectum veniunt.

Si alii simul idem observent, tanto certiorem
experientiam pronunciare possumus.

Si corpora, quod ad colorem, consideranda
funt, fiat hoc interdiu, nam noctu ad lucem can-
delæ colores sæpe aliter apparent; e. g. flavus
color tum sæpe albus videtur.

Singula, quæ notatu digna observantur, in
chartam follicite conjiciantur.

Ubi sensus externi nonnulla non adeo clare
percipere valent, instrumentis arte factis adjuven-
tur: sic ope telescopiorum & microscopiorum mul-
ta detecta funt, nudis oculis sese subducentia.

Locus, ubi observatio facta, tempus anni,
sæpe etiam diei atque horæ adnotentur; sæpius,
pro re nata, tempestates, venti, altitudo Mercurii
in Barometro & Thermometro, siccitas humidi-
tasve aëris addantur.

In quantos errores neglectus horum multos
deduxit, libri Physicorum abunde exponunt. In
Patria nostra arbores fere omnes, paucissimis ex-
ceptis, gemmis gaudent; inde tamen non conclu-
den-

dendum idem etiam in aliis regionibus obtineri; arbores enim sub æquatore, quantum novimus, gemmis omnino carent. Vere Betula & Acer li- quorem stillant dulcem, alio tempore non ita.

Quidam ægroti hoc vento, alii alio, pejus se habent. Nonnulli flores certa hora diei |aperiuntur, certaque hora iterum clauduntur. Quædam herbæ, instantे pluvia, folia contrahunt, aliæ omni nocte idem faciunt.

Mutationes omnes, quæ sponte in corporibus producuntur, diligenter notentur, ut perspiciatur, an una sit causa alterius.

Si quædam phœnomena plures simul & qua-
si conjuncta observentur, ansam concludendi ha-
bemus, aut unum esse causam alterius, aut utra-
que eandem agnoscere; tuto tamen hoc pronun-
tiare non possumus, nisi id semper ita fieri in-
venimus; possunt enim dari aliæ caussæ, quas se-
dula industria deteget. Sic aquam ad ostium flu-
vii Auræ semper augeri, quando cœli status diu
hic fuerit pluvius, observamus; sed cave, ne ex-
inde concludas omne incrementum aquæ ad o-
stium fluminis hujus ex pluviosa tempestate ori-
ginem trahere; nam interdum per plures dies ma-
xima est serenitas, cœli, & nihilominus altitudo
aquæ sensim increscit, quæ causam agnoscit ven-
tum australēm in Oceano Balthico spirantem, &
aquas ad littora nostra cumulantem, uti observa-
tiones Meteorologicæ ostendunt.

Circa hanc experientiam id adhuc cavendum,
ne

ne id, quod minime experimur, sed quod vel ratiociniis ex experientia demum deducimus, vel quod per imaginationem nobis aliunde succurrit, pro ipsa experientia venditemus, hoc est, ne vitium subreptionis committamus: vid. Baumeist. instit. Philos. ration. p. 251.

Plura, quæ hic observanda essent, ex iis, quæ infra dicemus, facile intelligi possunt.

§. V.

Sed quum natura se suasque proprietates non semper sponte producat, sed eas multis modis abscondat, vulgaris experientia in iis detegendis minime sufficit, verum opus est multiplici opera atque industria humana variisque tentaminibus & apparatu ad illas enucleandas, quæ experientiam artificialem sive eruditam constituunt. Hinc multa in hunc finem instituenda sunt experimenta; quæ, ut rite fiant, varia observanda veniunt. In his igitur, nempe experimentis instituendis, omnium primo attendatur ad instrumenta, ut sint selecta, exquisita, ab optimis artificibus elaborata & explorata; illis enim corporum eæ deteguntur proprietates, quæ alias nostros effugient sensus. Hæc, antequam instituatur experimentum, exquisite perlustrantur, si defectivum quid in se habent, quod felicem impedit eventum, ut, obstaculis remotis, optatus obtineatur finis. Melius est nullis instrumentis uti, quam iis, quæ vitio laborant Geometrarum atque Astronomorum hac in re pre-

menda sunt vestigia, qui fidem instrumentorum vix satis se explorasse credunt. Certitudinis caussa & sub ipso opere & post experimentum institutum, præcipue ubi majoris momenti est, integritas instrumentorum examinari potest. Si instrumenta jam inventa effectum desideratum non præbent, excogitanda sunt nova. Quod de instrumentis monitum est, idem etiam, certo respectu, dicendum est de apparatus & structuris variis, quæ vel pro ipsis instrumentis, vel pro aliis observationibus & tentaminibus faciendis eriguntur: saepius videlicet exploranda sunt, an aliquo casu mutationem quandam subierint, qua observationes atque experimenta minus tuta redduntur.

Cavendum etiam est, ne a loco, ubi instrumentum collocatur, experimenti fides vacillet. e. g. Si Thermometrum a septentrionali parte septimenti ex assibus facti (Pland) in umbra ponatur, ubi radii solis latus septi oppositum seu australis feriunt, minime verum gradum caloris, quem aër habet, monstrat; Asses enim a radiis solaribus percalefactæ saepè longe majorem calorem Thermometro conciliant, quam quo aër vera gaudet.

Præterea requiritur ut follicite & summa cum attentione attendatur, ne ab ipsa qualitate corporis ad experiendum suscepiti instrumenta depraventur, quod certe evenit, si e. g. vestis homodromos immodice oneratur, vel si corpus igneum si ve percalidum imponatur lanci e filis pendentis sericis:

ricis: in illo casu vectis nec superpondium nec æquilibrium accurate dare potest; In hoc vero, corpus illud lanci impositum, videtur primo statim intuitu minoris esse ponderis, idque ideo quod humor ille, qui filis inest sericis, quique æquum teneret examen, calore corporis pellatur.

§. VI.

VErum, instrumentis observatis, in experimentando tamen persæpe accedit, ut illud non obtineatur phænomenon, quod quæritur. Ideo ut prudenter instituatur experimentum observetur nimirum, regio, ubi actio facta est, locus, annus, dies, imo sæpiissime hora, ventus, quam vehementer sit, qualitasque tempestatis reliquæ, quæ patescit ope tubi Torricelliani s. Barometri, attendo ad Mercurii altitudinem in illo, caloris frigorisque quantitas follicite animadvertatur, quam nobis manifestat Thermometrum Celsianum seu Svecicum, nec non humiditas siccitasque aëris ope hygrometri, nam enumeratæ hæ circumstantiæ, cum sedulo annotentur ad experimenta rite facienda haud parum conducunt, & sine qua cura sæpe nihil certi in his obtinetur. Hoc varia arguunt exempla, e. g. non ubique terrarum pendulum horologii intra determinatum temporis spatium eundem numerum oscillationum præbet. Declinatio acus magneticæ non eadem est per totum terrarum orbem, sed in plurimis locis valde differens observatur; nec in uno eodemque loco

B 3

idem

idem punctum fixum plagæ alicujus cœli semper respicit, sed suas aberrationes & variationes tam annuas quam quotidianas ac horarias habet. Denominati magnetis vis etiam dilucide nobis ostendit, quam necessum sit observare caloris frigorisque differentiam; in frigore enim majore vehementia quam calore suam exercet vim, de quo testatur Muschenbrock. Si vis caloris frigorisque probe non observetur, nobis certe non patet, quare stellæ tempore hyberno, majorem super horizontem videtur tenere altitudinem quam æstivo. Electricitas non eandem vim exserit tempestate humida quam sicca. Innumera exempla produci possent corroborantia ea, quæ in antecedentibus adstruximus; verum ad prolixitatem effugiendam illa præterimus. Dici tamen non potest, quot & quanti errores ex neglectu horum exorti sunt, uti varia scripta Physicorum abunde testantur.

§. VII.

IN experimento instituendo observentur etiam hic multa eorum, quorum in §. IV. de experientia vulgari agentes, mentionem fecimus, scilicet hoc festinanter fiat sed tarde & maxima cum attentione & cura in loco tacito, tranquillo atque a turba & strepitu remoto, tam accurate ac fieri potest, ut omnis formido absit oppositi: patientiam experimenta saepius summam, nec minorem attentionem in singulis circumstantiis requirunt.

Aet

Ast cum interdum ad experimenta facienda minus apti & parati sumus, (nam animus saepe, quasi tardus & laffus deprehenditur, & quæ tum facimus, difficulter & fere invita Minerva procedunt, ut experientia constat,) eligendum est ejusmodi momentum temporis, ubi singularis est serenitas atque alacritas animi ad labores hosce suscipiendum; longe plura sic in quacunque re animadvertisimus, quam cum animus minus bene se habet: verum quum continuo corpora tale quid in se habeant, quod experimento una vice instituto percipi nequeat; idcirco de novo est suscipiendum, circa quod obseruentur varia ea, quæ observanda sunt, & continuentur donec omnes corporis capiantur affectiones. Affectiones appellantur varia illa quæcunque demum sint, quæ distingvi possunt in corporibus. Quo saepius experimentum quoddam iteratur, eo plura in eo observamus. Præterea hoc modo aptiores ad experimenta facienda reddimur; nam plerumque in omnibus tentaminibus, quæ prima vice instituuntur, minus exercitati minusque ad experientiam tum formandum apti sumus. Habitus & hic crebro exercitio comparatur. Eadem experimenta etiam variis & diversis temporibus anni, æstate, hyeme, tempestate humida, sicca, cœlo sereno, & nubilo, ventis magis vel minus vehementer spirantibus, altitudine Mercurii in Barometro majori vel minori &c. instituenda atque iteranda sunt. Ut proprietates corporum innotescant, experimenta variis mo-

modis instituantur: explorentur igitur corpora pro natura eorum, per ignem, putrefactionem, fermentationem menstrua chemica, frictionem &c. misceantur cum aliis corporibus: verbo, peragan- tur ea omnia, quæ in experimentis instituendis observari jubent Physici. Attendatur solicite ad omnes circumstantias ac mutationes in tentamini- bus his enascentes. Inquiratur quid est attribu- tum corporis, quid vero accidens. Si Phœnome- na plura quasi inter se connexa videantur, exa- minetur an unum sit caufsa alterius, vel an o- mnia caufsam eandem agnoscant.

Omnis mutationes & circumstantiæ, quæ in experimendo instituto productæ sunt, diligenter notentur & chartæ mandentur, etiam minimæ circumstantiæ non negligantur; nam hic, si un- quam alias, circumstantiæ rem mutant: sæpe una circumstantia omissa totum experimentum minus feliciter peragit. Ex unica etiam parva circum- stantia interdum maxima utilitas in civitatem e- manavit. Quam multa incerta neglectu hujus re- gulæ, pro vera experientia venditata, quanti er- rores hinc orti sunt, multiplex ac quotidiana lo- quitur experientia. In disputationibus ac scriptis eristicis sæpiissime ab utraque parte opposita auda- cter ad experientiam provocatur. In experimen- tis œconomicis auctores inventorum novorum iis maximam utilitatem reip. pollicentur, sed dum ab aliis etiam instituenda sunt, successus promis- sis minime respondet; in Medicis multa pro me- dica-

dicaminibus minime fallacibus offeruntur, quæ tamen a peritis artis examini subiecta votis haud satisfaciunt. In his omnibus, ubi sic contra veram experientiam peccatur, aut in experimentando ab una alterave parte quædam circumstantiæ, ad experimentum feliciter instituendum maxime necessariæ, omissæ sunt, aut vitium subreptionis commissum, cum quis pro ipsa experientia aut experimento id venditat, quod minime expertus est, sed quod vel ratiociniis ex experientia deducetis vel quod per imaginationem illi aliunde succurrit. Vide Baum. Log. p. 251. aut fortassis etiam interdum auctor fictiones ac commenta animi desideriaque sua pro ipsa experientia proterve orbi obtrusit, atque sic aliis imposuit.

§. VIII.

DE constanti experientia jam nonnulla monenda sunt. In hac formanda attendendum est dum percipitur phænomenon, ut omnes etiam circumstantiæ, phænomenon necessario determinantes, follicite annotentur, & curetur ne influxus earum admittatur circumstantiarum, quæ phænomeno non necessario sunt conjunctæ, vel quarum absentia nullam infert mutationem phænomeno: quod vero hoc potissimum fieri potest modo, ut instituatur experimentum sub variarum circumstantiarum mutatione & omissione, circa quod sedulo perspiciatur, quibus sub circumstantiis phænomenon nullam subit mutationem, omnes au-

C

tem

tem illæ, quæ sine mutatione deesse nequeunt, sed sua absentia existentiam phænomeni vel diminuunt, vel plane destruunt, annotentur, nam hæ solummodo sunt illæ eadem, quæ constantem efficiunt cognitionem phænomeni.

§. IX.

Verum cum experientia constans non supponit tantummodo solam cognitionem phænomeni, verum etiam quantitatem determinatam, quantitas autem determinata non constat nisi qualitas circumstantiarum determinata simul redditur perspecta, quod fit si instituatur experimentum sub variis circumstantiarum statibus, & observetur quantitas phænomeni, in unoquoque statu: e. g. cum flavum ovi sub antlia ponimus & observamus illud ebullire, habemus quidem cognitionem phænomeni, verum quantitatem ignoramus determinatam; nam observamus flavum ovi magis ebullire, si cohæsio partium ejus diminuitur. Vid. Hamb. Inst. Phys. Exp. §. II. Igitur si quantitas ebullitionis nobis innotescet, certe varii circumstantiarum status explorari debent.

§. X.

Inventis jam iis requisitis, quæ constantem efficiunt experientiam; restat nobis exponere, quid circa ejus expressionem curæ esse debet: in expressione autem constantis experientiæ cavendum est primo, ne quantitas phænomeni determinata, absque

absque circumstantiis determinatis pronuntietur, nam determinatus effectus non nisi sub circumstantiis & a causis determinatis emanat: verum hoc si fiat, constans in contingentem mutatur, nisi circumstantiae phænomenon determinantes ab ipsa natura sint determinatae, & aliter esse negantur: Ad illustrandam rem sumatur exemplum, nimirum, sic constans eaque determinata erit experientia, si dicimus Mercurium in canali vitro superius clauso, ab aëre vacuo & alio capaciori vase Mercurio repleto inferius immerso, si aér naturaliter constitutus Mercurio in vase capaciori incumbat, ordinarie sub altitudine 27. $\frac{1}{2}$ digitorum Paris: quiescere: Aér naturaliter constitutus est in hac experientia circumstantia satis determinata. Hoc usus est exemplo *Celeb. Hamberg. in Element. Phys. Exper. §. 13.*

Insuper ne in expressione experientiæ constantis justo aberremus tramite, observetur, ut omnes circumstantiæ, quæ necessarium habent nexus cum phænomeno, una cum eadem exprimantur; nam in casu opposito, contingens est experientia.

§. XI.

Ulterius ne extra oleas vagetur in constantiis experientiæ expressione & cuiquam vitio se obnoxium reddat, probe tenendum est ne pro circumstantiis necessariis adferantur falsæ, nam in hoc casu committitur error contra ipsum finem experientiæ: Experientia autem est cognitio phænomeni;

nomeni; cognitionem vero phænomeni tum habere nequeamus, cum falsas recensemus circumstantias; phænomenon enim pendet ex suis circumstantiis necessariis.

§. XII.

Tandem ne quicquam committatur, quod erroneum sit, haud inconveniens est, ut in recensendis experientiis observetur, ne talia exprimantur quæ nunquam per experientiam patescunt, ut sunt animi destinationes sive judicia, universales propositiones, causæ effectusque rerum, & alia, quorum nullam habemus ideam: nam in his omnibus vitium committitur subreptionis. Possent quidem hæc allata facili negotio demonstrari, variaque alia addi; sed jubet injuncta nobis translationis brevitas angustiaque temporis tam in his, quam in aliis, indicare tantum veritates, quibus, licet demonstrationes sint omissæ, nihilo secius unumquemque vel ultro assensum præbiturum,
haud sine ratione speramus.

T A N T U M.



VIRO JUVENI,
Pereximio atque Præstantissimo,
Dn. ISAACO ALGEEN,

Quanti interest intellectum humanum perfici, & solida veritatis imbui cognitione; tanti etiam refert vias, quæ ad hoc obtainendum ducunt, rite sibi habere perspectas; quarum qui probe non sunt gnari, haudquam evitare possunt, quia a recto tramite aberrent, & saepe nubem, quod ajunt, pro Junone amplectantur. Quum vero Experientia, quæ alter mentis humanæ oculus & mater omnis Philosophiæ jure meritoque audit, ad splendidam veritatis arcem aditum muniat; patet quam nobilis sit materies a Te, præstantissime Domine, in præsentis hac TUA Dissertatione erudite excussa. Ob illam igitur, qua juncti sumus, amicitiam, non potui, quin voluptatem inde perceptam, perfractis velut sinceri, quo cohiberi nescit, pectoris repagulis, publice testatam facere conarer: ex intimis præcordiis vovens, ut, quæ moliris, pulcherrima, propere succedant, conatibusque Tuis honestissimis optati respondeant eventus.

JOHANNES STROEM.

DR. ISAVCO VILGEEEN, Bacchus en deugdsgenoot.